

曲沃縣新志

第三本

74092

方產	武備	倉儲	田賦	關隘
	風俗	郵政	水利	戶口

地/62201
34
部/513

絲

新修曲沃縣志卷之十六

知縣 張坊 纂輯

關隘 附橋梁

寓內有九塞。晉居其三。井陘。令疵。句注。然皆當省之北東。自中鎮南趨。地鮮要害。周禮夏官司險掌九州之圖。以周知山林川澤之阻。而達其道路。今沃東界翼。西臨汾。險在鄰封也。而南北則傍山倚厓。總不必有褒斜殺澠羊腸孟門之坂。所謂一夫當關。萬夫莫開者。而鐵嶺蒙阮。紆曲迴複。車有時不得方軌。險不可守乎。易曰。履道坦坦。書曰。王道平平。雖不恃險與馬。而形勢陡隘。盤抱巖嶭。谿斜徑狹。如驅馬回中。亦沃邑之阨塞處也。今高崖護以墻。深澗接以橋。險者平之。峻者通之。行人如履平地。無跋涉之艱矣。志關隘

新修曲沃縣志

卷十六

關隘

鐵嶺關

西南五十里隘口村。東倚絕巘。西臨大壑。迤南石色如黛。峰峻徑仄。車難並軌。昔嘗建關於此。址存。晉

天福十二年。漢主知遠。出晉絳。將赴洛。有司奏置頓厄口。帝惡其名。別路至聞喜縣。從騎由厄口者。多爭道墮絕壑。

蒙阮

橋山西為壚頭山。又西蜿蜒十餘里。至於蒙阮。西距汾河約三里。溝深徑曲。後魏書將軍安同曰。臣嘗受遣

詣絳督租。見汾東有蒙阮。東西三百餘里。蹊徑不通。周

建德五年十月。武帝命齊王憲率兵六萬。還援晉州。憲進

軍營於涑水。齊主攻圍晉州。晝夜不息。周間諜還者。或曰

城已陷。憲遣柱國越王盛。大將軍尉遲迥。開府宇文神舉

等。輕騎一萬。夜至晉州。憲進軍據蒙阮。為其後援。知城未

陷。乃歸涑川。梁開平三年八月。晉周德威攻晉州。詔楊

師厚往救。德威以騎扼蒙阮之險。師厚擊破之。進抵晉州

晉兵解圍遁去。五代史王峻傳。劉旻攻晉州。周太祖遣

峻為行營都部署。得便宜行事。軍出絳州。前鋒報過蒙阮

峻喜。謂其屬曰。蒙阮。晉絳之險。旻不分兵扼之。使吾得過

此。可知其必敗也。峻軍去晉州一舍。旻聞周兵大至。即解

去。明日峻遣騎兵追旻。不及而還。淮南子地形訓。天下

有九塞。一為太汾。高誘注。太汾在晉。舊志疑即此地。

橋梁

湓河橋

縣西北二十里。高縣之北。即天井水上橋也。亦名天井橋。

澮河橋

縣西南三十里。侯馬鎮。南澮水上。即晉平公與齊景公會地。今名通濟橋。世纘等捐金重修。

金溝橋

縣西南三十五里。隘口北金溝水上。明萬歷年知縣王明善建。邑人行世纘等捐金重修。

懷遠橋

縣南關廂。明洪武間知縣宮可初修。

交橋

縣東南五里澮河上。國朝康熙年間。邑人賈生芝任之樞任之棟募建。

白集橋

縣北二十里白集北。舊有橋久毀。國朝康熙年間知縣潘錦重修。

通津橋

縣東北二十里。郇村西北。

新修由沃縣志

卷十六

關隘

二

虹霽橋

縣東南二十里。景明村白石園西。

獻文橋

縣西南四十里。驛橋。春秋晉獻文子建。村有文子廟。今廢。

通晉橋

縣東二十五里。南屬寺。

月橋

縣南二十里。任莊。

龍卧橋

即辛村橋。邑人賈鳴璽有記。

敬德橋

驛橋

澮川橋

在香邑莊南。乾隆十五年建。知縣鄭志鯨有記。

聚善橋

在吉許村北。

厓上石橋 縣西南十五里厓上村北。先是邑人王之旦等創

金改修石橋十一孔。邑人劉樸有記。

招仙洞石橋 在隘口南。邑人行世纘等捐金重修。

沙溝橋 在隘口北門外。邑人張鏐張峩冠等重修。

太澗過水橋 乾隆二十一年。西寧東寧二村重修。

天橋 在西寧村南。乾隆二十一年。知縣張坊創建。

蘇村橋 在村東南。乾隆二十一年。知縣張坊創建。

城壕堤橋 乾隆二十一年。知縣張坊創建。

古壕堤橋 乾隆二十一年。知縣張坊創建。

新修曲沃縣志

卷十六 關隘

周書曰。申畫郊圻。慎固封守。沃南北兩山。孱顏耳。無險阻可恃。然在德不在險。吳起猶能言之。古今治亂之故。可思也。若夫橋梁不修。春秋致譏。今汾之故梁。已不可問。維澮與合。舊祇四橋。余受事以來。僅僅為一石杠於合之上。間考周禮。合之方職。盡達道路。以今視昔。其為廣狹何如也。余滋愧矣。縣知

潘錦原敘

